

KRISTIAN THALAI

April 2011



Mahni hmunah


Khawvêl hmasâwnna chak tak avângin Mizoramah pawh tûnhmaa kan hmuh phákh loh thil chi hrang hrangin min chiahhneh ta hle. A bîk takin Mizo ðhalaite'n kan lawm êm êm Football inkhêl te pawh englai pawh tih theihin hmuh tûr TV aţangin kan nei a. English Premier League (EPL) te phei chu ðhalaite zîngah en ngai lo chu sawi tûr an vâng hle ang le. Tan zâwng kan nei a, a ðhente phei chuan Champion tûr inrinsiakin kan ðan zawngte chak theihna tûrin kan theih tâwkah, zankhaw tairêk thleng thlengin ðanhmun kan lo rem ve sauh sauh a nih hi. Hêng football khêltute hian chak tûra an thaohrim zia te, mahni ðanhmun (position) ðheuh an ngaihpaawimawh dân te kan hmuh hian, an hnên aţangin zir tûr kawng hrang hrangin kan ngah hlein a rinawm.

Pathian rawngbâwl pawh hi inkhêl anga tehkhin kan ni ve fo rêng a. Inkhêlah chuan, a hmasa berin Manager-in a team-te/a kheltute chu an hmun dik tak, an ðangkai theihna ber tûr laiaha a dah phawt tûr a ni. Chutah khêltute chuan mahni hmun ðheuh ngaih paawimawh nachâng an hriat a, harsatnaa inpuih tawn nachâng an hriat chuan inkhêl a mawiin chak pawh a awl nge nge ðhin. Chuti ni lo va, thuneituin a khêltute thiam dân pawh ngaihtuah lova an duhna lai laia a tlân tîr chuan hlawhchhamna bul a ni ðhin.

Kohhranhovah te, ðhalaiah tepawh hian rawngbâwlna rual taka a kal theih nân, a hmasa berin hruaituten member tinte an awmna tûr dik tak an hmuh sak thiam tûr a ni a, an ðangkai theihna ber tûr ðheuh an zawn sak tûr a ni. Hruaituin a tlin leh tlin loh ngaihtuah lo va, hmun langsâr apiang a chuh chuan rawngbâwlna a kal rual ðha thei lo a. Chutiang bawkin member tinte pawhin an awmna hmun ðheuhah chuan lungâwi tak leh rinawm takin theihtâwp an chhuah bawk tûr a ni. Mahni chanpual ber aia mi dang chanpual khawih lâwr a, a daihzai leh langsâr bera ðan tum, mahni chanpual pawh ngaihsak ðha lova chet hi rawngbawol honaah sukukna thlentu a ni thei a ni.

Bible-a kan hmuh angin Tirhkoh Paula chuan ringtute hi intihsiak ang te, taksa bung hrang hrang ðha taka ðangho angte leh lungrem hrang hrang rem taka rem khâwm angtein a tehkhin a. Hêngah te hian hmun vuah dik leh mahni hmun ðheuh vawon dik a paawimawhzia min kawhlmuh a. Tupawhin mahni chanpual ðheuh ðha taka hlen tûrin min zirtir a. Chuvângin, **mahni hmunah** ðheuh ðhahnemngai takin rawng bâwl zêl ang u♦

HLIMTHLA



■ Kristian Ṭhalai March thla hriatzauna 'The love of God' letlingtu Upa Dr. L.N. Tluanga chuan 1933 daih tawhah a letling tih a ni a. Upa Dr. L.N. Tluanga hi ala dam a ni lo em ni? A va upa tawh awm ve? — **9612216509**

A lehlin hun hi Barapani (UCC)-a a thawh lai kum 1961 khân a ni a, Billy Graham Evangelistic Association Hlabu aṭanga a lehlin a ni. 1933 chu a piankum zâwk a ni. Upa Dr. L.N. Tluanga hi tûnah Mission Vêngah an chhûngkuain an chêng mêk a, Kohhranah pawh ala ṭangkai hle.

■ Pu Editor, Kristian Ṭhalai chanchinbu a ngaihnaawmin chhiar a manhla thei hle mai. Mahse ka'n ti lawk teh ang, March thla chhuaka a kawm hnunglam chhûnga CKTP Committee târlana Ex-Officio - Synod Moderator leh Secretary (Sr.) te hming hi tihdik a va ṭha tawh ve. — **Vanmawia, ITI Vêng Branch**

Pu Editor, Kristian Ṭhalai March tla chhuaka Ex-Officio members Rev. C. Chawngliana tih leh Upa Vanlalhuma tih lo lang hi nikuma kan Synod Puipate an niin ka lo hria a. Ex-Officio tih a an rawn lang leh hi engnge a awmzia? Kuminah Rev. C. Lalsangliana leh Rev. P.C. Pachhunga tih tûr a ni zâwk em? — **Zokhuma, Bawngkawn Chhimvêng**

January issue-ah kha chuan kan tidik asin maw le! March issue-ah khân nikum lama mi kan lo paste palh a, kan han hriatchhuah meuh kha chuan press lamin an lo chhu zo tawh si a, tihsual ang angin kan kalpui ta mai a ni. Kan tihsual palhah ngaihdam kan dil leh e.

Kristian Ṭhalai chhiartute'n chanchinbu chik takin kan chhiar tih a lang a, kan tihdik lohte a awm chuan min finchhuah zêl tûrin kan sawm a che u. Tunhma deuh pawh khân enlennaa ena hmuh theih chauh pheh hma leh pheh hnunga emblem inanglo chungchangte pawh kan lo zawh kha...

■ Pu Editor, Kristian Ṭhalai chhiar a manhlain thlatin hian hmuh hlân a ngahhleawm ṭhin hle mai. A copy pawh hi ava pung nasa êm êm ve le... buatsaihute inpekna a hlu a, nasa lehzualin han ṭang deuh teh u khai. — **9436376313**

Kan lâwm e. Ni e, kumin hian a copy a pung hle mai a...mimaltinte ṭhahnemngaihna vâng liau liau a ni a, nasa zâwkin ṭan ta zel ila. Hei April thla phei hi chuan copy 30000 (singthum) kan chhu kai ta reng mai.

ZÂN LUNNGAIHTHLĀK

(Mat. 26:36-39; Lk. 22:44)

— Pastor B. Lalnghaklana
Vaivakawn

Zân hi Pathianin mihringte hahchawlh nân a siam a ni, tiin sawi a ni ðhin a, hetiang a sawi hi tumahin kan hnialin a rinawm loh. Chuti a nih chuan zân chu hahdamthlāk leh thil thlākhlelhawm lam nêna sawi zawm tûr ni âwm tak a nih laiin zâna thil thleng ðhinte aţanga tehin zân chu harsatna, buaina leh lungngaihna nên sawi zawm a ni ðhin tlat thung. Kan Lalpa nuna thil thleng chhinchhiah tlāk tak, a hun tâwp lama thleng pawh kha thu leh hlaah ‘Zân lungngaihthlāk’ tia zia, sawi leh phuah a ni fo va, Lal Isuan thihna thlân thim pal tlanga kan tân a inpêkna hunah hian he thupui hmang hian i lo inpawlho dâwn teh ang.

Engti zia nge Lal Isua nunah zân lungngaihthlāk a thlen? : Zâwnei Isaia’n an hnamin an beisei Messia lo piang tûra chu, “Lungngaihna nei mi leh natna hre mi a ni”, a lo ti a (Isa. 53:3). Chu ngei chu Lal Isua nunah a lo thleng ta. Mi tam tak tân chuan Pathian

Fapain lungngaihna namenlo a tawrh thu sawi hi thil hriatthiam har tak tûr a ni. Zân lungngaihthlāka a lungngaihna tawh lah chu lungngaihna satliah ni lo, thihpui khawp hial lungngaihna a ni si. Engti zia nge ni ta ang?

Zâwneiin a lo sawi lâwk chu Lal Isua nunah a lo thleng dik zêl a. Mihring Isua nun kan thlir chuan keini ang bawka hah ðhin, rilţam ðhin leh tuihâl ðhin ve bawka a ni tih kan hmu a. A thlen in pa Lazara a thih pawh khân a lainat a, a ðap hial a nih kha. Gethsemani huanah khân a thil tuar tûrte hre rengin a lungngai êm êm a, “Ka rilru a lungngai êm êm a, thihna khawp hial a ni,” a ti a, a zirtirte chu amah vênpuui (menpuui, thlamuan) tûrin a sawm a; mahse, an lo mutthlûksan si a nih kha. Chuvâng chuan, “Thlêmnaah in luh loh nân fimkhur rawh u”, a ti ta a ni. A va kal hrang leh a, “Ka pa, a theih chuan he no hian mi pêt lul rawh se; nimahsela, keima thu ni lovin

nangma thu thu ni zâwk rawh se," tiin a ÷awngt'ai a. Pathian Fapa heti taka a lungngai leh a thil tawn tûr a huphurh mai hi thil hriatthiam har tak pawh a ni ang. Hetah hian Isua nihna chu fiah taka târlanin a awm tlat si. Bih Chiang leh zual dâwn teh ang.

A thlan thisen lian tak angin far : Lal Isua lungngaihna hi thihpui khawp hial lungngaihna a nih avângin a thlan pawh thisen lian tak angin a far. Mi thiamte chuan Luka'n Lal Isua a lungngaih êm êm avânga a thlan thisen lian tak anga a far hi thil ni thei a ni, an ti. Mi an lungngaih vawrtâwpah chuan thlan bâwm bula thisen zam tê tak tê hi a chat thei a, thlan nê'n inchawhpawlhin thisen far angin a lo chhuak thei niin an sawi. Heti êm êma kan Lal Isua a lungngai mai hi eng vâng nge ni? Upa Rokunga chuan hlain:

"Eng vânga tuar nge maw?

Tû tâna fam nge maw?

Ka sual kaidum silfaina chuan, Pathian thisen a bua,"

tiin hla mâwi tak a lo phuah chhuak a. Sualna nei lo mi fel chu mi sual ber thihin a thi dâwn. Mualpho takin khawvêl hmuhah pho lanin a awm dâwn. Amaherawhchu mite hmuhsit, cheksawlh leh endawng hlauh vâng ni satliah mai lovin nang

leh keima tâna lungngai a ni tih hi kan hriat chian a pawimawh. Lungngaihna lo thlen huna kan lungngaih loh nân a lungngai a, manganna lo thlen huna kan mangan loh nân a lo mangang a, thlaphân huna kan thlaphân loh nân a lo thlaphâng a ni. Nang leh kei min hmangaih vâng a ni. Aw hmangaihna a va mak êm! Mi fel leh ÷ha, mi sual tân a thi tlat mai hi khawvêl mite tân hriatthiam rual a ni lo. Lal Isuan krawsa mi sualte tân a tuar hi thilmak tak a ni a, tuarna mak a ni. Kan hla pawhin, *'Thu mak ka sawi nin theih loh chu Kalvari chanchin a ni'*, a lo ti rêng a ni.

A tân kan tuar ve ngam dâwn Am? : Kan hmangaih êm ênten min hmangaih loh chuan kan rilru a na ÷hin. Thawnthu ngaihnaawm kan tihte pawh hi inh mangaih tak, an inh mangaih avânga hrehawm tam tak tuar tlangte chanchin a ni châwk. Chungkuaah pawh kan nu leh pa, û leh nauten min ngaihsak loh chuan rilru a na ÷hin a ni. Lal Isuan heti khawp maia min hmangaiha a nunna hial kan tân a hlan hnu pawha amah kan hmangaih loh chuan a rilru a na ÷hin a. Heti khawpa kan tâna tuartu tân hian kan hmangaih avângin eng nge kan tuar ve tawh le?

Josepha chuan Pathian a tih leh a hmangaih avângin mipat hmeichhiatna hman khawloh-pui tûra sâwmna a hnar fithla thak a. Mipat hmeichhiat hman khawlohna hi Pathian huatzâwng tak a nih thu leh he sualnaa inhnawih ten Pathian hremna rapthlâk tak an tawh thîn thu Bible-ah a lang tam hle. Pathianin a huat êm êm kan pawisak loh tâk vâng nge ni natna khirh tak HIV te pawh a lo awm ta a, hemi avânga dam chhûng hun, lungngaihnaa hman mêk mi tam tak an awm zêl baw. Thalaite hian Isua Krista kan hmangaih avângin khawvêl nawmchenna hi kan hnar ve thei em?

Daniala leh a thiante chuan Pathian an tih avangin milem hmaah an thingthi ve duh lo va, Lal chaw leh Uain in thinte chu an ei in an in ve duh lo. Zu leh drugs te hi Lal Isua zuitu kan nih avângin kan tlânsan ve dâwn lâwm ni? Lal Isua hmangaihna kan chhân lét ve theihna chu a tâna kan nun kan serh thianglim hi a ni.

Kan mihrinna min tâwmpuia zân lungngaihthlâk pal tlanga a nunna min petu tân hian eng nge kan hlan ve dâwn?

"A nunna min pêk avângin ka zui ang,

Hrehawm tuarin rethei mah ila",

kan tih theuh theih nân, Lalpan a thu malsâwm rawh se. Amen♦



Synod Choir rawngbâwlna :

1. **Bethlehem Kohhranah** : Ni 20 February, 2011 (Pathianni) zânah KTP Rorel Inkhâwm an thlen tûr denchhena an sâwmn angin an kal a, tum hnih zaiah hla pathum(3) an rem a ni.
2. **Film Inchansiak result puan** : February ni 25, 2011 (Zirtâwpni) zân dâr 8:00-ah Family Guidance & Counselling Centre Committee-in Kristian Chhunkaw Film inchansiak a buatsaih result puannaah hla vawi khat an rem.
3. **Mission Veng Kohhranah** : Ni 27 February, 2011 (Pathianni) zânah Bible Society kum 200 tlin lawmna, Thanksgiving rally, Mission Veng Kohhran Biak In-a neihah vawi khat an zai.
4. **Electric Veng Branch** : Ni 28 February, 2011 (Thawhtan) zân KTP Inkhâwm leh Zaipâwl Nite hmanpuiin tum 3 zaiin hla paruk (6) an sa a ni.
5. **Kohhran Hmeichhe Inkhâwmpui** : Ni 3-6 March, 2011 -a Mizoram Presbyterian Kohhran Hmeichhe Inkhâwmpui Lian Wawi 44-na leh Golden Jubilee lawmnaah an zai bawk.

Via Dolorosa

— *Chawnglianmawia*
Vairengte Branch

Tui hnà leh hnimhring inkiltawihna, hmun ro hulh hulh tudaia boruak hnâwng dai raih mai siam tûra hermon daifim lo tla te pawh chuan a thlan an tidai zo mawlh lo va.

Rûm sawi hleih theih lohva rûm kâwk kâwk chungin chu zân khawhar takah chuan, 'Ka Pa duhzâwng tih hi ka chaw tui ber a ni,' titu fapa thuawih Nazareth tlangvâl hmêl̄tha chu vênpuitu nei lovin, a thlanfîm pawh thisena chang hial khawpin a lungngai a.

Gethsemani huan pâwn lam aṅanga thlifîm rawn tleh lût heuh heuh pawh chu a thlan thisen meuh tidai tûr zâwngin a tâwk zo mawlh si lo. Thlipui hau reha mitthi a kaihthawh lai hmutute ngei, a zirtûrte chuan zân vên khat chhûng takngial pawh an vênpui zo lo va. Vâna vântirhkoh thianghlim rualte chelh zawh loha ngei chuan vênpuitu nei lovin huan reh hnuaiah chuan amah chauhvin a pa a bia a.

A thlan, lungngaih luat vânga thisena chang far ri kauh kauh te, 'I thihnaah thi ve dâwn mah ila, ka phat tawp lo vang che,' titu zirtûrte muhil hnâr rî bâk thâwm dang rêng a awm lo! Leilung dân ni lova thil mak a tih hmutu te, damlo a tihdam laia zui dûl dûltute chu kût sâ lâwmin vêng hulum laiah an hlim êm êm pawh a ni mahna.. Chu'ng a hmangaihte vâng chuan a khawhar a ṭûl si.

Chungnungbera fapa pawh ni se, mihring famkima lo chang a ni a, hnêmtu a ngai ve tho asin! A tân chutiang tûr rêng an awm si lo. A hmaa diriamna, chéksawlhna leh 'thihna no' chu a Pathiannain a hmu tlang vek a, a mihrinnaa tawrh tûr a ni si a. Engti ang takin harsa ang maw..? Kan soal bawlhhlawh zawng zawng, kan dân zawm theih loh zawng zawng nên a phur tel baw si a. Aw.. Chu lungngaihna chu a va rit duh dâwn tak êm! Thihna khawp hial lungngaihna tih loh rual a ni lo.

Huan pâwn lama thing ding thelh sung, thla êng chhun pâwt reih te chu an mâwina lam ai mahin chu lungngaihna fâwmpuitu an ni zo tawh a. A siamtu lungngaia rûm mêk vâng chuan chu zân pawh chu zân lungngaihthlâk a chang zo ta si.

Phatsantu a lo lang a. Thiltiha felna hmanga vân kai tumtute leh sipai rothap tak takten an rawn zui a. Sual bawlhhlawh rêng rêng kai lo chu suamhmang nunrâwng ber man tûr ang maiin khandaih te, talhtum te kengin an lo thawk chhuak a. Thupetu chu thupêk awih takin a awm a, rorêltu chu rorêlsak tûra hruaiin a awm ta a...

Rorêlna in chhûngah chuan lamţang rêng a nei lo. Dâwta sual tinrénga an hêk lai te chuan a kê a âng lo va. Thiam loh changte vâng hian thiam thu sawi thei a ni si lo. Zahngaihnaa khat chu zahngaihna rêng rêng nei lovin an sawisa a. Hmuhsit theih tâwpin an hmusit a, an bêng a, chil an chhâk a.

Rorêlna lal tiang neitu chu luang tiang an hûmtîr a; Lallukhum chu hînglukhumin a thlâk a. Chhian sên loh vântîrhkoh thianghlim rualin an fak nin loh kha, diriamna ànkâin 'Judate Lal' tiin elsen takin chibai an bûk a. An chêksawlhna ţawngkam ringawt pawh thihpui tham khawpa ţawngkam tûr nei a nih vei nê.

Hliam tidamtu-a chu hliam loh lai a awm ang tih hlau niâwm takin an vaw ţuawai ţuawai a. Khawngaihna mak, mawi leh

duhawm neitu chu khawngaihna nei lovin mak theih tâwpa chêksawlh a ni. Hmangaih tâwp lova chu hmangaihna thinlung rêng nei lovin an diriam rawn ta si a. Mî fel famkim chu misual ber hremna kross-ah khenbeh tura a chungthu rêl a nih tâk chu!

A sîr tuaka elsentu hmêl kârah chuan kraws rit tak puin luruh hmun an tih lam chu a pan ta a. Tuifinriat siamtu kha a tui a hâl a, khawmualpui siamtu khân Kalvari tlâng bâk chanvo a neih tâk loh chu! Ni meuh pawhin a êng a chhuah ngam lo va, khawmual pawh a rûm a, a khûr ta chiam a – sual zawng zawng tlantu Lal Isua Krista'n thlarau a thlah meuh chuan.

Ṭiau chhum lan chhûngêm pawh daih lo hringnun derdêp tak hi, amah mai chuan thihna lui râl a kai zo lo. Chakna zawng zawng hloh zo tawh, theihna a neih ve chhun pawh hman tlâk miah loh a ni. Phur rit tak nêna nun hmang chung a seol pante tâna a tawrh zozai te, a tuihâl leh a na tawrh tinréng te saw, ngun takin thlîr ang che.

Krista'n kawng khawhar ṭihbaiawm tak a zawh saw Ka Ṭhian, ngun takin thlîr nawn fo vang che. Kan Lalpa tuarna kawng, Via Dolorosa ♦
www.mizoramsynod.org

“HMANGAIHTU TUARNA”

— F. Lalzuithanga
Saron Veng

1. An chaih e tlai-sial iang pungkawm zingah,
Hmuhsit, diriam, tihel tinreng tuarin;
An kai e, chal-lawi iang vangkhaw daiah,
Vuakna hrualhrui a tuar, Kros chu puin.
2. An kilhbet ta kilhna khenthir vuahin,
A fu-ke, a chawnban mawi laiah,
An khengbet ta saruak mualpho tuarin,
Fam chan thlenga Kalvari Ennawmah.
3. Thing lenbuang lerah ka Lal Rengpui chu,
An tar ta maw, sa hrang thlunglu iangin;
A en ngam lo ka Lal Reng sakhmel chu,
Thangvan kai lai turnipui hrang pawhin.
4. A saitir e khuavel lirpui nghingin,
Rauthlain an tho leh Mi Thianghlimte;
Chatuan Van Pialrala siang lawi turin,
Piallei thuahriat hnuaiia zal tawh hnute.
5. A thler ta e, daidanna zar-puan chu,
Van leh hringmi kardantu a bo ta!
A kin ta e hringfa soal man bat chu,
Soal phurtu Beram No chu a fam ta.
6. Chuti kauva lungngaih, tuarna na hi,
Nang leh kei vangin a lo tuar chhuak ta!
Heti ema Hmangaihna nasa hi,
Nang leh kei tan hlanin a lo awm ta!

Ka fak ning lawng Hmangaih vanga TUARTU!
Ka phatsan tawh lawng ka Lal CHHANDAMTU!

Lungdumtu

— Sanghnuna
Lungtan Branch



ûnlai kan ðhalaite ðawngkam takin ka 'lungdumtu' ka thinlung hmun thim leh ngaihtuah tuihhnai lo tak tak, khawhar, inngahna tûr hmu si lo, tiêng a, kawng dik leh hlimna, thlamuanna thurûk, hlimna chhiarsen loha min thlâksaktu, ka lungdumtu chanchin hi a ni han sawi ka tum chu.

Ani chu englai pawhin ka mamawh ngawih ngawihin ka ngai ngawih ngawih reng a. Khawi hmunah pawh kal dâwn ila, a tel lova zankhat riah pawh ka zuam lo a ni ber e. Hmahruaitu dinhmuna ka dinin, ka tlin loh êm avânga ka hlauhthawn châng pawhin huaisenna min pe a. Mualphona tlânga zak êm êma ka awm pawhin ani chuan mi a thlamuan a. Ani chu ka hmahruaitu rinawm, rintlâk, kawng dik mi kawhmuhtu a lo ni ngei mai.

Incheina lamah ni se a lepchiah ve lova, a invawngfelin

a thianghlim a. Sum leh pai, duhamna lakah a inthiarfihlim a, dikna leh felna hi amaha bet tlat, a pianpui a ni. Kei ka tân chuan sawi sên lohvin a ðha fankim a ni. Se-se-a thu lâk a chîng ve silo, ka hmangaih leh ka duhna aiin amahin min hmangaihzia leh ka boral a hlauhzia wawi duai lo min hrill a. Khawvêl finna leh ropuina zawng zawng aiin a ropui a. Finna thurûk te hi amahah hian a lo awm vek asin!

Tin, amah avângin ka hmingchhiatna tûrah hmingtha leh chawimâwiin ka awm ðhin a; zahna kâwna dinga ka mualpho laiin hmangaih takin min dâwmkâng ðhin. Ka aiawhin mite hnênah thudik, sawiselbo, tûma tihdanglam theih loh, tihdanglam thiango, nunna thurûk a puang chhuak ðhin a. ðawng thiam loh leh sawi thiam loh a nei ve si lo. A châng chuan dodâlna nasa tak tâwk ve ðhin mahse a thuchah ken hi a phatsan ve ngai si lo. He ka lungdumtu ka tawn aţang hi chuan ka mar hi a phût det det chhûng chuan phatsan ka tum tawh lo. Amah chu ka vuan tlat reng fo ang.

Hetianga taka hmachhuan tlâk, engkima rin ngam ka han tawng ta mai hi ka ngaihtuah
www.mizoramsynod.org

chian poh leh a mak ka tiin ka lâwmna a zual thîn. Mite chu khawvêlah ropui takin sum leh pai nêh, thenrual tha chhiarsên loh nêh, an lungngaih mangan ni pawha khawhar leh hreawm pawhin an awm ve lo mai anga...tih tûr khawpin ropui thîn mahse, hêngte hi reilote atân mai an nihzia leh chatuan an daih loh tûrza te hi min hrilh thîn. A ropuina a zual zêl thîn keimahah hian.

Ṭawng mawi lo ni suh se, kei zawng rual el rêng rêng leh mite hnu um rêng rêng hian ka phar a, he ka damchhûng ni reiloteah hian mite hnungah ka tlân ve ngar ngar zawng a nih hi... Mahse, ka damchhûng kumte hi lo tâwp ta pawh nise, ka lungdumtu hian ka damlaia sawi ngam lo khawpa thiltha lo ka tihte leh chhuan tûrte a lo awm ve ngai a nih chuan a hun takah min puanchhuahsak tûrin amahah hian ka inngat tlat a ni.

Kei, ami chhar ve lah chu piangsual ang chauh ka ni a. Amah chawimâwi tûr leh tiropui tûrin ka tling lo êm êm si a. Mahse ani chu chhuan awm chhûng zawng he leiah hian a

awm anga. Mi tute emaw chuan an larawn tawng ve ngei anga. A hnên aţang hian engkim an larawn zir ve ngei ang tih ka rin flat avângin ka thla a muang thîn.

Ani chu mi beidawngte tân beiseina thar petu, lungngaite tân thlamuanna, chaute tân chakna petu, mi hausa leh rethei, piangsual leh mi ang lo te pawh thlei chuang lo. Mi â te tân finna petu, kawngbo te tân hruaitu hmâr arsi ang a ni si. Thil awm tawh leh lo la awm turte lama hre vektu, engkima engkim a lo ni. e.

Mi tam takin an hriatchian theih loh, engkim chung a thuneitu, engkim siamtu, a bul leh a tâwp, NUNNA HNAR, LALPA ISUA KRISTA khawvêl tana inpe a, Kraws-a thi a, tho leh a, khawvêl Rorêltu tûr chu. Pa leh Fapa leh Thlarau Thianghlim pumkhat, Amah chauh chu ring a, a thu zawm chu Chatuan Nunna a nih zia min kawhmuhtu hi ka tawn aţanga ka lungdumtu, ka thlahphal loh, ka HOLY BIBLE ngei mai hi a lo ni e. Nunna thu alo ni si ♦

KṬP Rorêl Inkhâwm Vawi 4-na report

— John Lalrinliana,
Madanriting Br., Shillong

Rum 2011 KṬP Rorêl Inkhâwm chu tuang takin kan lo òiak leh ta. Mìn hruiatu Lalpa chu fakin awm rawh se. Kum 2005 aṭang khân General Conference leh Rorel Inkhâwm hi kum inkâr thlâka neih a ni a. Kum 2005 kha Rorel Inkhâwm neih hmasak ber niin hêng hmunahte hian neih a ni tawh a ni - Khatla Kohhran (2005), Armed Vêng Kohhran (2007), Chawlhmun Kohhran (2009), Bethlehem Kohhran (2011).

KṬP Rorel Inkhâwm, vawi 4-na hi ni 11-13 March, 2011 chhûng khân Bethlehem Kohhran Biak In, Aizawl-ah neih a ni a. He Rorel Inkhâwm-ah hian kumina Bial hrang hrang aṭanga agenda Central KṬP-a thehluh aṭangin Central Committee-in floor-a ngaihtuah ho tûr agenda engemawzâta chhawp chhuak a, floor-a chhawp chhuah tak lohte chu minute bu-ah a hrilhfiahna târlan a ni a, a bengvâr thlâk hle a ni.

Hun hman dân tlângpui :

2011 KṬP Rorel Inkhâwm hi March ni 11 (Zirtâwp) zânah ṭan a ni a, Palai lawm inkhâwm nân hun hman a ni. Central KṬP General Secretary, Upa Lalrinmuana'n palai lawmna leh thuchah "*Rawngbâwl tûra Chhandam*" tih a sawia, hemi zân hian Chawnpui Bial Zaipâwl leh Zonuam Bial Zaipâwl ten mâwi takin Pathian fakna hla an sa a, Synod Choir pawhin 'Inpeih thuai rawh' tih hla mâwi takin an sa bawk a ni.

Ni 12 (Inrinni), 10:00 am-12:00 noon chu Report Inkhâwm a hun hman a ni a. He hunah hian General Secretary report, Upa Lalrinmuana hnên aṭang te, Finance report, Pu Vanlalfinga hnên aṭang leh Bial Report Khaikhâwmna, Tual Upa Dr. C. Zartzoliana hnên aṭang tein ngaihthlâk a ni. Central KṬP hnuaiyah hian Bial 161 awmin hei hi kan dinhmun tlângpui a ni -

Branch awm zât

Mizoram chhûng	: 735
Mizoram pâwn	: 44
Total	: 779

Member awm zât	Mipa	Hmeichhia	Total
Mizoram chhûng	77784	45303	123087
Mizoram pâwn	953	712	1665
Total	78737	46015	124752

(Fig. Central KTP hnuai member zat târlanna)

Member hi nikum aiin mi 3337 in kan tam a. Hetih rual hian KTP member duhawm tak tak mi 354 te chuan chatuan ram min pansan thung a ni.

Sum ₹ 32,11,376 hmuh niin ₹ 7,45,064 hman ral a ni a, tûnah hian ₹ 24,66,312 kutah a la awm. Nikum chhûng khân Bial sum hmuh zât belhkhâwm chu ₹ 1,30,33,905 a ni a, Branch sum hmuh zât belhkhâwm ₹ 88,301,423 a tling baw. Kan Synod Choir ten hmun hrang hrang 47 ah rawngbâwl na an nei a, Lelte Awards 2010 ah "Best Choir of the Year" an dawng baw. MSACS leh AVBD ten National Voluntary Blood Donation Day ni 1 October, 2010 a Vanapa Hall-a an buatsaihah KTP ten thisen Unit 2595 kan pêk avângin Special prize Central KTP te min hlân baw a ni. Bial leh Branch hrang hrang ten thisen kan pêk hi Central KTP hmingin chhinchhiah zêl a ni a, thisen pêkah ãnla deuh deuh ila a duhawm hle.

KTP Member nupui pasal innei zawng zawng 4491 an ni a, Biak In hawnga innei 1822

(40.57%) an awm laiin hmundanga innei 2669 (59.43%) an awm baw. Report Inkhâwm hunah vêk hian kum 2011 Central KTP Kumpulan 'Thuawihna' tih chu Synod Secretary, Rev. P.C. Pachhunga'n a hawng a, kumpulan hawn rual hian kumpulan thupui booklet (Branch tina zir tûr) chu a tlangzarh nghâl baw a ni.

Inrinni chawhnu dar 1:30-3:00 chhûngin Central KTP Leader, Rev. K. Lalpiangthara, kaihhruaina hnuai ah palai 748 ten ro kan rêl a. Agenda, rorêl na hmuna chhawp chhuah zingah hêngte hi palai ten lungrual takin kan pawm:-

1. KTP member Biak In thleng phâk lote puala ram pum huapa chawngheia ãwngtâina neih.
2. Ram pum huapa Career Awareness Kristianna nêna innmil neih.
3. Krismas leh Kumthar vuakvêt thianghlim zâwka hman tûra inzirtîr na kalpui leh.
4. Hmeichhe humsual daite puala Central KTP-in Gospel Camping/chhanchhuahna Camping buatsaih leh.
5. Biak In hawnga innei pun zêl

- theih nân CKTP in hma la rawh se;
6. Youth Recreation Centre chungchânga hmalâk zêl dân tûr/kalpui dân tûr CKTP Committee kutah dah a ni;
 7. HIV/AIDS chungchângah CKTP in kawng hrang hrangin hma la se.
 8. Bial hruaitute CKTP in Training pe se.
 9. Kum 2012-2013-a Kum Puan atân "Lal Isua nêh" tih thupui pawm a ni bawk.

Hêngte bâkah hian kum 2011-2012 Budget atân ₹ 1030000/- pawm a ni a. 2013 KTP Rorel Inkhâwm chu Chanmari Kohhran Biak In, Lunglei-ah nghah a ni dâwn a, Chanmari Bial leh Vênglai Bial, Lunglei ten an thleng dâwn a ni.

Inrinni zân 7:00-ah Pathian Biak Inkhâwm neih a ni a, Pu Lallianmawia, C/M, CKTP in inkhâwm kaihruaiin Pu Zohmingliana, Asst. Leader CKTP hnên ațangin thuchah ngaihthlâk a ni a. Tûnlai hmasâwnna KTP-te'n kan lo hmachhawn dân tûr kawng hrang hrang, bengvâr thlâk tak tak a sawi a. Hemi zân hian Bial Zaipâwl pathum (3) - Vaivakâwn Bial, I.T.I. Vêng Bial leh Durtlâng Bial te ațangin zai ngaihnawm tak tak ngaihthlâk a ni bawk.

Ni 13 March (Pathianni) chawhma Inkhâwm chu Pu Lalmuanawma, Treasurer, CKTP in inkhâwm kaihruaiin Presbyterian Youth Fellowship (PYF) aiawhin Upa C. Vanlalvuana, Chanmari hnên ațangin greeting ngaihthlâk a ni a, Exe. Secretary i/c KTP Rev. Lalzuihanga hnên ațangin "Isua Krista hi tunge ni a i hriat?" tih thupui hmangin thuchah a sawi a. Zaipâwl Synod Choir, Dâwruip Bial Zaipawl leh a thlengtu Bethlehem Kohhran Zaipâwlte thiam takin an zai a ni.

Pathianni chawhnu inkhâwm chu Tual Upa Zothangzuala Chhangte, C/M, CKTP in a kaihruai a. Pu Vanlalkunga, Zârkawt, KTP dintute zînga miin thutawi a sawi a. NEICCYA aiawhin Dr. Lallenmawia (SAY) hnên ațangin greeting ngaihthlâk a ni bawk. Chawhnu inkhawmah hian Pu Vanlalfinga, Fin. Secretary, CKTP in KTP ten hma kan sâwn zêl theihna tûr atâna thuchah țangkai tak a sawi a. Zaipâwl - Synod Choir, Tuikual Bial Zaipâwl leh Chhînga Vêng Bial Zaipâwlte ațangin hla mâwi tak tak ngaihthlâk a ni bawk.

Chawhnu Inkhawm bân hian Biak In tualah Fellowship neih a ni a. Fellowship-na hmun hi Rorel Inkhâwm pual bîk liau liau a sak pandal nuam takah a

ni a, stage an chei dân pawh a Mizo in hmuh a nuam hle. Banner atâna *dâp* an hmang te leh a bang vêla *dî* an hmang te kha a va tha êm. He hun hi Pu Lalhmingthanga, C/M, CKTP in kaihruaiin '*Thalaite leh mahni intihhlum*' tih thupui Pu Lalrohlua, C/M, CKTP in ngaihnaawm takin a sawi a. Male Voice - Zemabâwk Bial, Female Voice - Maubâwk Bial, Band - Mission Vêng Bial leh Solo Nl. Vanlalmalsawmi Sailo, Chaltlâng hnen ațangin ngaihthlâk a ni bawk.

Pathianni zân Pathian Biak Inkhâwm Tual Upa Dr. C. Zarzoliana'n kaihruaiin CKTP Leader Rev. K. Lalpiangthara'n thalaite'n Kristian Chhngkua din tûra bul kan țan țhat a pawimawh thu te, mahni invawn thianghlim a țul zia leh mahni intodelh tûra thawhrim leh taihmâk a pawimawh zia te a sawi a ni. Zân inkhâwmah hian Mizoram Synod Choir, Bethlehem Bial leh Mission Vêngthlang Bial Zaipâwl te ațangin zai mâwi tak tak ngaihthlâk a ni leh bawk.

Inkhawm ban hian Tv. Zohmangaiha, C/M, CKTP kaihruaina hnuaiah Biak In tualah Fellowship neih leh a ni a. Thupui - '*Thalaite leh mahni intodelh*' tih chu Dr. Samuel Vanlalhlanga, C/M, CKTP in

ngaihnaawm takin a sawi leh bawk a ni. Fellowship-ah hian Items - Short Play(15 mins) Thuampui Bial ațang te, Acapella - Kulikawn Bial ațang leh Band - Leitan Bial ațangin ngaihthlâk a ni a, Nl. Baby Malsawmtluangi, Dawrpui Vengthar hnen ațangin Solo mawi tak kan ngaihthla leh bawk. Fellowship hun kan hman hi a zangkhaiin a khamawm loh thîn hle a ni.

Tlângkawmna : Rorel Inkhâwm thlengtu Bethlehem Kohhran-te inbuatsaihna leh inpêkna a ropui ngei mai. Palaite, kan thlen hlim ațanga min lo dawnsawn dânah te, thlenin chungchângah te, inkhawmpui chhûng zawnga min enkawlnaah te sawisêlna tûr avâng hle a ni. Ei leh In chungchângah pawh inkhâwm bân apianga thingpui leh a hmeh tuihna tak min hlui zozai te, Palaite tâna inrinni tlaia Rorêl Inkhâwm pual liau liaua vulh vawksa tui tak *etc.* a ruai min buatsaihsak te kha kan hre reng ang. Engkimah ruahmanna a fel tih a hriat a, an Biak In leh Biak In hmunhma hrim hrim a nuam a, Kohhran mipuite an țangrual tha tih a hmuhtheih bawk a, min thleng zo hle a ni.

Rorel Inkhâwm chhûng zawnga min hruaitu Pathian chu ropui ber rawh se♦

PATHIAN FAPA RINGTU CHUAN MAHNIH HRIATNA ANEI A NI

— *R. Lalzarzoliana*
Ramhlun Vengchung

Pathianin khawvêl a hmangaih êm êm a, chutichuan a fapa malneihchhun a pe a, amah chu tupawh a ring a piang an boral loh a, chatuan a nunna an neih zawk nân tiin Johana 3:16-ah kan hmu a. Tin, Pathian fapa ringtu chuan mahniah hriatna a nei a ni tih hi I Johana 5:10- ah kan hmu bawk.

Pathian fapa chu tunge...

Pathian fapa chu a hming Isua Krista a ni. He Isua Krista hi a ni, boral loh a, chatuan a nunna chu.

Isua Krista chu i ring em?

Pathian fapa Isua Krista ringtute chuan Isua Krista hming an lam a, an zui a, an ðan a, an hmangaih a, an fak a, an chawimawia, a thupêk an zâwm a, an phatsan phal tawh ngai lo a ni. Isua Krista avâng in tuarna emaw channa emaw an tawh pawhin channaah an ruat phal lova, malsâwmna, hlâwknaah an chhîar zâwk ðhin. Isua Krista chu ringtute tân

chuan chatuan nunna, damna, hlimna, malsâwmna a ni reng a ni. Tuarna phênah pawh hahchawlhna thurûk a ni. Isua ringtute chuan rinna pawimawh zia an hmu fiahin an hrethiam êm êm ðhin a ni. Chutichuan rinna chu hriatna avângin a lo awm a, tin, hriatna chu Krista thu avângin a lo awm (Rom 10:17). Hringnun damlai nun kawng leh thih hnuah Isua hi kan tân a pawimawh ber a ni. Isua Krista ringtute chuan mîte hriat ve loh thlarau chenchilltu, chatuana nunna thurûk chu an nei khiau a ni tih an in hre si a.

Hriatna chu i nei tawh em?

Isua Krista chuan i nunah thu a nei a, ro a rel tawh chuan i hre lo thei tawh lovang. “Fapa chu neitu chuan nunna chu a nei; Pathian Fapa nei lotu chuan nunna chu a nei lo” (I Johana 5:12). “Tupawh hmangaihna nei lo apiang thihnaah a la awm reng a ni” (I Johana 3:14). Benga hriatna mai hi hriatna tak a tling lo a, thinlung a hriatna a ni Pathianin a duh. Pathian chu i hre tawh a nih chuan i thlah phal leh tawh ngai lovang. Pathian ringtute chanvo ropui an hriat chu an chân phal tawh hauh lo; khawvêl thil zawng zawng aiin chatuana nunna chu a hlu a ni. Chatuan nunna Isua Krista chu i rin chuan i nunah i dah lalber ang a, i nunah thu

neitu a ni tawh ang a, a ta, i ta a ni tawh ang.

Ringtu i nih chuan eng nge i tih tur?

Isua Krista ringtu kan nih tawh chuan mawhphurna pawimawh tak kan nei a ni. Chu mawhphurhna chu Chanchin Ṭha hril hi a ni. *Khawwêl zawng zawngah Chanchin Ṭha hi hril rawh u.* He Chanchin Ṭha hril hna kan thawh hian boral mêk te chu chhanchhuakin nunnaah chuan kan hruailut dâwn a ni. Chanchin Ṭha hril hna kan thawh hian Pathian hna kan thawk a ni tih kan hriat a pawimawh awm e. Pathianin kan hnathawh minpui tûr ni lovin Pathian hnathawh kan pui ang a, Pathian ram kan lo zauhpui ve dâwn tihna a ni.

Engtin nge rawng kan bâwl ang?

Pathian hnathawh kan puihna tûr chu tam taka awm a ni. A ṭhen chauh sawi ila, Pathian chuan kan phâk tâwk bâk min phut hauh lovang tih ring ang u. Amaherawhchu theihtâwp kan chhuah a ngai bawk a ni tih erawh chu kan hriat tel a ngai a ni. Chung kan rawngbâwlna tûr chu:-

- 1. Thilpêkin rawng kan bawl ang :**
Hla phuahtu ropui pakhat

chuan *Khawwêl suala bo hnu tlan chhuak leh tûrin, Pathianin a fapa mal neihchhun a pe, A tlansa, suala bo ten nunna kawng an hriat theih nân, thilpêk a rawngbâwl tûrin Lalpan min ko a lo ti a.* He hla phuahtu hian thilpêk a rawngbâwl a pawimawh zia a lo hmufiah in a lo hre Chiang hle a ni. Pathian thlarau pâwlna, hriattûrna a dawng a ni ngei ang, hlain a han au chhuahpui a, a ropui hle a ni. Tin, a thunawnah *Pe rawh u, tichuan pêkin in awm ang, Pêkah Pathian i hneh bân thei lovang, Pathianin lei a ba ngai lo, malsâwmna hnâr a lo ni si tiin thilpêka rawngbâwl chu châna ni lovin hlâwkna a ni zâwk a ni tih min hrilhfiah leh vek bawk a nih hi.* Thilpêk a rawngbâwl chu thlarau bo chhanchhuahna hna thawhna, mîte tâna malsâwmna nihna, mahni nunah pawh hlâwkna a ni a. Pathian hnathawhna pawimawh tak a ni a, hna hlu tak a ni.

2. Thu hrilin rawng kan bâwl ang :

Thuhril rawngbâwl hna hi chhûngkua aṭangin ṭan la, inthâwina nung Pathian lawmtlâk ni tûrin inhlân ang che. I nupui, i pasal, i fanaute leh i in a chêng zawng zawng te chungah Pathian rawngbâwlin, eitur dik chauh ei la, intur dik chauh in rawh. Hna dik takin thawk la, sum dik takin la la, www.mizoramsynod.org

chhûng inkhâwm leh Biak In-a inkhâwmte, Bible chhiar leh ÷awngtâin Pathian hna thawk rawh. Pathian hnathawh ah thuneih tum suh la, hei hi theihngilh suh. Pathian vângin thil engkim ti la, Pathian vângin hna engkim thawk la, Pathian rawng chauh bâwl ang che. Pathian rawngbâwltu i nih ngat chuan i tân vânah ro i khâwkhâwm zêl a ni tih hi hre reng rawh, “I ro awmna apiangah i rilru pawh a awm ang.” (Matthaia 6:21)

Bible chuan ti hian a sawi a, “thu chu hril rawh, a hunah te, a hun lovah te pawh bei zêl rawh, dawhthei taka zirtîr chungin an thiam loh hriattîr la, zilh la, fuih rawh. Nang erawh chu engkimah fimkhur la, i rawngbâwlna kha hlen rawh tiin,” II Timothea 4:1,2-5 ah min hrilh a ni.

Thuhril chu Pathian thu min chah, midangte hnêna sawi chhâwn tûr a ni a. A hunah te, a hun lovah tepawh bei zêlin, dawhthei taka hril zêlin zirtîr leh zilh leh fuihin, engkimah kan fimkhur anga, rawngbâwl hna kan hlen chhuak tûr a ni. Thuhril hi Bible sawi Pathian thu, Pathian duhdân a nih avângin a

pawimawh êm êm a ni. Pathian ringtute tân chuan thuhril hi ngaihhlut a, ngaih pawimawh êm êm tûr a ni. Thuhril hi âwka a hril tûr emaw, midangte tih tûr emaw, midangte hrilsa rin emaw, aiawhtu anga ngai lova thuhril hna hi thawh tum ve tûr a ni. Awka in kan hril ve thei lo emaw, kan hril thiam lo a nih pawhin kan theih zâwng hmanga hril ve hlahu mai tûr a ni. Tin, hmun bik leh mi tamna hmunah te hril tûrin a harsa a ni maithei. Zakzum tân leh ÷awngkam thiam lo te leh thil dang dang avânga harsatna nei te tân pawh kan theih ang angin, kan ngamna, theihna hmunah thuhril hna hi thawh ve mai tûr a ni. Thuhril na hmun atân mi tamtak awmna a pawimawh bik kher lo. Chhungkua emaw ÷hiante emaw, tute emaw, pakhat lek hnênah pawh thuhril hi a pawimawh a ni. Khawvêl tehna ropui a hlu ber lo, thlarau bo chhanchhuah a pawimawh ber a ni.

Bible-in min hrilh angin mi 99 sim tûr nei lo aiin mi 1 sual sim chu vâna mi an lâwm a nih kha. Thlarau bo pakhat tal i hruai ve dâwn lâwm ni. “Vânram chu a lo hnai tiin hril zêl ang che u” (Mathaia 10:7).

- Bial Conference Report -

January ni 21-23, 2011 chhûnga Bial hrang hrang KṚP Conference-a rorelte kan rawn târlang a. Central KṚP thleng tûra rêlte chu rêl fel a ni tawh a, a bâk kan hmalâkna tûr theuhah te hian inṭawngṭaipui ila.

Vaivakâwn Bial (Member 1138)

Rangvamual Kohhran Biak Inah neiin thupuih "Pathian hnaih hi a ṭha a ni" (Sam 73:28) tih a ni a, Speaker chu Rev. H. Zothansanga, Director, Family Guidance & Counselling Centre a ni.

Rorelte :

1. Central KṚP in Mizorama HIV/AIDS darh zel tur venna kawngah chak takin hma la rawh se. (Central)
2. Kum 2011 chhûnga Bial KṚP member Bible chhiarchhuak te Bial KṚP in lâwmman pek ni se.
3. Kan ramah pawnsual a hluar zêl loh nân Central KṚP in hma la rawh se. (Central)
4. 'Bial huapin Advance Krismas hman ni se.
5. Kum 2011 chhûngin Bial huap Leadership Training neih ni se.

Keiṭum Bial (Member 768)

Keiṭum Dinthar Kohhran Biak Inah 'Lalpa hmantlâk ṭhalaite (II Tim. 2:21) tih thupui neiin Bial hruaituten thuchah an sawi.

Rorelte :

1. Bialin Missionary pali (4) kan châwm mêk hi pakhat (1) a tihpun ni se.
2. Bial hruaituten bial chhûng Branch tin tlawh chuak rawh se.
3. Kum 2011 chhûngin Bial Meet neih ni rawh se.
4. Kumin chhûngin Bial hmingin Serchhip Damdawi In-ah ṭhutthlengsei panga (5) dah ni se.
5. Presbyterian Hospital Durtlângah Charity Fund ₹. 5,000/- pêk ni se.
6. Branch tinah ruihhlo ngaite pual a ruala ṭawngṭai neih ni rawh se.

Luangmual Bial (Member 786)

Chawlhmun Kohhran Biak Inah 'Krista Chanchinṭha puandarh' (Mk. 16:15) thupui neiin Speaker Rev. Lalchuanmawia a ni.

Rorelte :

1. Bial Mashih Sangati ṭanpuina ₹. 5,000/- pek ni se.
2. Bial chhûng Branch tinah K.Ṭ.P. Handbook leh Inhraina Dan zir ni rawh se.
3. Bial KṚP chanchinbu 'Bial AW' chhuah chhunzawm zêl ni se.
4. Kum 2011 chhûngin Bial Meet neih ni rawh se.

Khawzâwl Vêngthar Bial (Member 1448)

Khawzâwl Vêngthar Kohhran Biak In-ah neiin Bial hruaituten thuchah an sawi.

Rorelte :

1. Bial KṚP chanchinbu 'Ṭhalai Kantu' chhuah chhunzawm zêl ni se.
2. Missionary 4 kan châwm mêk hi chhunzawm zêl ni rawh se.
3. Bial KṚP hmingin Presbyterian English Medium School (PEMS) ṭanpui ni rawh se.
4. Bial KṚP in Khawzâwl CHC-ah Poor Fund pêk leh ni rawh se.

Bethlehem Bial (Member 2054)

Bethlehem Vêngthlang Kohhran Biak In-ah an hmang a. Thupui 'I Pathian tâwk tûrin inpeih rawh' (Amos 4:12) a ni a. Speaker Pastor R. Lalbiaknia, Bialtu Pastor a ni.

Rorelte :

1. 2011-2012 Budget ₹. 1,43,800/-.
2. Bial KṚP member Holy Bible chhiar chhuakte hnênah lâwmpuina pêk ni se.

3. Kuminah Bial huapa chawnghei ƣawngtairualna hun hman ni se.
4. Biak In Complex-ah zúk leh hmuam tilo tura inzirtirna Bial huapin neih ni rawh se.
5. Central KṚP General Conference Hlabu buatsaih leh túrah hla dah túrte uluk taka thlan ni se. Hla hlui leh a huhoa sak theih túr chi dah uar ni rawh se. (Central)
6. Bial huapin Sport neih ni rawh se.
7. Bial huapin Musical Meet neih ni rawh se.
8. KṚP member atam thei ang berin Bible kan chhiar chhuah theih nân Bialin hma la rawh se.
9. Biak In-a nupui pasal nei kan tam theih nân Bial KṚP in hma la chhunzawm zêl rawh se.

Zokhawthar Bial (Member 446)

Mêlbúk Kohhran Biak Inah hmangin thuchah Bial hruaituten an sawi.

Rorelte :

1. 2011-2012 Budget ₹. 40,600/-.
2. Biak In hawnga innei kan tam zâwk theih nân Bial KṚP in hma la rawh se.
3. Kum 2011 chhúngin Bible Exam neih leh ni rawh se.
4. Bial hruaituten Bial chhúngin Branch tlawhchhuak rawh se.
5. Ramthar lam hawia hmalák ni se. Missionary Bial hmangin châwm chhunzawm leh ni se.
6. Kum 2012 Bial KṚP Conference-ah Speaker neih ni rawh se.
7. Bial huapin Solfa zir ni se, Synod lama mithiamte sâwm ni se.
8. Bialin Conference thlengtú puihna a pek hi ₹. 2000/- ni tawh rawh se.
9. Bial hruaituten Bial chhúngin Branch tlawhchhuak rawh se.
10. Synod Choir member lâk dân hi enṭhat ni rawh se. (Central)

Ramhlun North Bial (Member 2203)

Ramhlun Vêngchhak Biak In-ah hmangin thupui chu 'I rawngbâwlna kha hlen rawh' (II Tim. 4:5) a ni a, Bial hruaituten thuchah an sawi.

Rorelte :

1. Kum, 2011 hian Bial chhúnga KṚP member Bible chhiar chhuak te hnênah lâwmmann pêk ni rawh se.
2. Bial Musical Meet neih ni rawh se.
3. 2011 chhúngin hian Bial zaipawl ten rawngbâwlna zau zâwk an neih theihna túrin hmalák ni rawh se.
4. Kum 2012 KṚP kumpuan atân 'Kristian nun dân ƣa tihhlawhtlin' hman ni rawh se.
5. Bial chhúngin Branch tinte intihsiakna atân Bible Quiz neih ni rawh se.
6. Rampum huapin Career Awareness kan sakhua nân a inmil neih ni rawh se. (Central)
7. Bial huap Advance Krismas Carol Service neih leh ni rawh se.
8. Kum 2011 chhúngin hian Bial huap Zaipawl intihsiak neih ni rawh se.
9. Kum 2011 chhúngin hian Bial Zaipawl Audio Album siam ni se.
10. Bial Half Yearly Meet neih ni se.
11. Missionary 2 kan châwm mêk chu châwm chhunzawm zêl ni se.

Lunglei Vênglai Bial (Member 522)

Lunglei Vênglai Biak In-ah hmangin thupui chu 'Thih thlenga rinawm' (Thup. 2:10) a ni a, Speaker-ah Tv. Henry Lalhmingthanga, Knight for Christ Team a ni.

Rorelte :

1. 2011-2012 Budget ₹. 67,000/-.
2. Kum 2011 chhúngin bial thum meet kan neih theih nân hmalák ni se.
3. Bial huapin retreat neih ni se.
4. Kum 2011 chhúngin Bial huap Blood Donation camp neih ni se.
5. 2011 chhúngin Work Camp neih ni rawh se.

6. Bial Zaipâwl rawngbâwl nân music system lei ni rawh se.
7. Bial hmingin Chhawmdâwlna In tanpui ni rawh se.
8. 2011 chhûngin Bial chhûng Branch hrang hrangte intlawh tawn ni se.
9. Bial huapin Branch tin aiawh ten Tonic Solfa Training neih ni se.
10. Bial KṚP buatsaihin Bial chhûng Branch tin ten Bible râlchhân neih ni rawh se.
11. Bial hruaituten Bial chhûng Branch tin tlawhchhuak rawh se.
12. KṚP General Conference a hautak lo zâwna kalpui dân kawng zawn ni rawh se. (Central)

Saiha Bial (Member 337)

Meisatla Kohhran Biak In-ah an hmang a, thupui 'Rawngbâwl tûra Chhandam' (Eph. 2:10) a ni a. Thupui hi Bial hruaituten an sawi a ni.

Rorelte :

1. 2011-2012 Budget ₹. 62,000/-.
2. 2012 KṚP Gen. Conference kalna tûr budget-ah ₹. 5,000/- dah ni se.
3. Bial Zaipâwl form leina tûr budget-ah ₹. 2,500/- dahbelh ni se.
4. Kum 2011 chhûng hian Bial huapin Blood Donation Camp neih ni se.
5. Bial aiawha Inkhawmpui Palai kalte TA pek ṭhin ni se.
6. Ramthar Field-a Work Camp nei tûra hmalâk chhunzawm zêl ni se.
7. Pastor Quarters tihchangṭlun dân ngaihtuah ni rawh se.
8. Rampum huap thilah chuan General Conference emaw KṚP Rorel Inkhâwm emaw hriatpuinaa hmalâk ṭhin ni rawh se. (Central)
9. Bial KṚP Meet neih ni rawh se.
10. Bial hmingin Chanchinbu chhuah ve ni se.
11. Member hlate hnuhnhnaih kawngah Bialin hmalâk dân tûr ngaihtuah se.
12. Kristian Ṭhalai Chanchinbu man

Bank kaltlanga pèk dân kawng CKṚP in ngaihtuah rawh se. (Central)

Tlungvêl Bial (Member 736)

Dârlawng Kohhran Biak In-ah an hmang a, thupui 'Kristian Nun Danglamna' (Rom 12:2) niin Speaker-ah Tual Upa Bonny Lalrindika, Synod Office an hmang.

Rorelte :

1. Kum 2011-a Half Yearly Meet lo awm tûrah hian Ṭhalaite min hîp khâwm thei tûr zaia rawngbâwl tûr sâwm ni rawh se.
2. Bial chhûnga Branch te intlawh tawn ni rawh se.

Chanmari Bial (Member 2552)

Chanmari West Kohhran Biak Inah 'Tûnlai thilawmzia' thupuia neiin Speaker-ah Rev. Lalchungnunga, Lecturer, ATC an hmang.

Rorelte :

1. Central KṚP in kumpuan a neih ṭhin hi ennawn ni se. (Central)
2. KṚP Diamond Jubilee, 2014-a lo thleng tûr hi rampum huapa lawm a nih theih nân Central KṚP in hma la rawh se. (Central)
3. Central KṚP hruaitu zîngah hmeichhia pakhat (1) tal an tel zêl theih nân Central KṚP in hma la rawh se. (Central)
4. Kristian Chhungkaw dinna kawngah Central KṚP in chak takin hma la rawh se. (Central)
5. Bialin Advance Krismas kan hman ṭhin hi enṭhat ni rawh se.
6. Bial chhûnga KṚP member kum khat chhûnga Bible chhiarchhuak te hnênah lawmpuina pèk ni se.
7. Bial huap Bible Exam kan neih ṭhin hi chhunzawm ni rawh se.
8. Bial KṚP hmingin mi harsate ṭanpui ni leh rawh se.
9. Bialin Missionary panga (5) kan châwm mèk hi chhunzawm zêl ni rawh se.

A tâwpah Isua

— *Lalnunthara*
Chanmari West

Engkim, thaw thei tawh phawt chuan, LALPA chu fak rawh se.

Sam 150:6

...Mahni tisa lama thehtu chuan tisaa mi chhiatna a seng ang a; Thlarau lama thehtu erawh chuan Thlarauwa mi chatuana nunna a seng dawn a ni. Gal. 6:6-10

He khawvêla chêng mihring hnamtin chitinte hian, kan sahimna tûr leh nawmna tûr kan zawng vek a. A awmzia chu, sakhua neilo pawh kan awm lo, tih hnuah thil eng emaw tak chu tâwk tûrin kan inzirtîr vek a ni.

Jerusalem Lal ropui tak, Lal Davida chuan 'Kei atan erawh zawng Pathian hnaih hi a ðha a ni' (Sam 73:28) a ti a. Mite chuan Pathian hnaih lovin khawvel thil lamah tlân mahse; kan ðhenawmte chuan Pathian mamawh lovin vahbosan mahse Lal Isua hi i hnaih tlat ang u. Kei leh ka chhûngte erawh chuan kan damloh lai leh kan mangan ber laite leh kan hlimni leh lâwmlai nite hian Lal Isua tel

lo chuan khawvêl zawng hi engmah lo mai a lo ni, tih Davida angin kan hre ðhin tur a ni dawn lawm ni. Lal Isua tel lova hun hman hi thil hlauhawm tak a ni tih hi kan hrereng tûr a ni tih hi khawi hmunah pawh awm ila i theihngihl lovang u.

Isua tel lova kan nun kan hman phawt chuan harsatna kan tâwk ðhin a. Hmânah Kana khuua inneihna a awmin Isua an sâwm a, an mamawh uaiin a tihpunsak ang khân harsatna leh manganna hmunah kan awm a nih pawhin, hlimna leh lâwmna hmuna kan awm a nih pawhin mitin, chhûngtinte hian Isua hi englai pawha kan hnêna awm ve tûrin i sâwm ðhin ang u.

Mi chak pui puite leh nifing tak takte leh hmêlþha tak takte pawh hi thihna kotlânga an din a, manganna vâwrtâwpa an awm meuh chuan thlamuanna an zawng ruai mai a ni. An chakna emaw, an finna emaw, an hmêlþhatna emaw in a thlamuan thei si lo. Isua thlamuanna an zawnga, an au tho tho ðhin.

Unaute u, kan Lalpa Isua Kraws-a an khenbeh a, thlâna an zalh meuh chuan a zuitute an khua a har ngawih ngawih a, a chanchin sawiin Emau dai reh tak kawnga ðhian dún ti ti

mawlh mawlh paha an kal laiin, an hriat loh laia rawn inlâr Isua kha tunge a nih pawh hre lo mahse, 'Kan hnênah awm ta che, khua pawh a tlai tawh a, ni pawh a tlâk dâwn tawh hi,' tiin an mi biak lai chu an khawhar lunglên hnêm tûrin an sawm a. Sawmtute hnar ngai lo Lal Isua, sawm tûr dik tak an sawm ang khân Lal Isua hi kan hnena awm tûrin i sâwm ve ang u.

Anih leh i nunna kha i thuhnuai a awm a ni em? Ni lo, thawthei, kal thei, ding thei, ei thei, in thei, sawi theia i awmnate kha eng vâng nge? Kan Pathian hian amah fak tûrin a duh che a, khawi hmunah pawh amah chawimâwi tûrin a duh che a, a rawng bâwl tûrin a duh che a ni. A siamtu che Lalpa fak nân leh ti ropui tûr hian i inhmag ve dâwn lâwm ni?

Mihring tupawh mai hian manganna vâwrtâwp tak taka kan han din meuh hi chuan thlamuanna zawngin kan vâw

ruai ruai a. Amah kan fak leh chawimâwi theih laia amah au ngai si lo khân a tâwpah kan au leh ruai ruai si ðhin a nih hi.

Zawlnei Jona te pawh Tarsis lawnga thih hlauhawma an awm meuh chuan, "Tho la, i Pathian ko rawh" tih hi an thu tâwp a ni. A tâwpah Isua tih hi alo ni leh ðhin. Chuvângin, unaute u, kan vânglai leh ðhatlai hian min siamtu Pathian tân kan hun hlu leh theihna neih ve te hi pe zawk ila, kawvelah hian Pathian hi ava ropui dawn êm.

A tawp berah chuan tûna Pathian mamawh lova i inhriatna kha manganna tâwp i tawh hunah tak tak chuan ISUA ila au chul mai dâwn a ni tih hi hria ang che. Thihna kotlânga i din hunah meuh chuan siamtu Pathian i au leh tho tho dâwn a ni. Chuvângin i inchierna khua a tlai hma ngei hian Lalpa au la, hun ðha i neih lai hian Lalpa Fak leh Chawimâwi nan kan nun te hi hmang ðheuh ang u. Lalpan a thu malsâwm rawh se ♦



■ *Thuhriltuin ama thinlung ngei a hrilh ven hmasak loh chuan midang tâna sermon ðha a sawi thei ngai lo rêng rêng a ni.* -John Owen

■ *Kan thil duh leh kan neih te kan khai khin chuan kan lungawi lova. Kan thil neih te chu kan phu ve reng vâng a nei kan ni em tih kan en erawh chuan, Pathian hnênah lâwmthu kan sawi ðhin a ni...*



HRINGLANG TLÁNG

Tum khat chu pa pakhat kum 80-a upa leh a fapa kum 45 mi, mi thiam tak hi an sitting room-ah an ðhu dun a; chutih lai chuan an tukverhah hian choak pakhat hi a rawn fu a. A pa chuan thil hriat chhuah nei niawm tak hmel hi a pu ta a. A fapa chu a han en a, "Hei hi eng nge ni?" tiin a zawt a. A fapa chuan, "Choak a nih hi," tiin a lo chhang a. Rei lo te hnuah pa chuan, "Hei hi eng nge ni?" tiin a fapa chu a zawt leh a. A fapa chuan, "Ka pa, ka hrillh tawh che kha, choak a nih hi," ti bawokin a lo chhang leh a. Rei vak lo hnuah chuan a pa bawok chuan, "Hei hi eng nge ni?" tiin a vawwi thumna atan a fapa chu a zawt leh a.

A fapa chuan a pain zawohna ngai hliir vawwi thum a zawt chu a ning ta khawp mai a, vin deuh hian, "Choak a nih hi choak," a ti ta hlur mai a. Tuibur hmuamda emaw lek hnuah chuan a pa bawok chuan, "Hei hi eng nge ni,"? tiin a fapa chu a zawt leh ta a. A fapa ning lutuk chu thinrim takin a ding uaih a, a kut a phar a, "Engah nge chu zawohna hliir chu min zawh, vawwi eng zat tehlul nge choak a nih thu ka sawi dawn, i hre thei thlawt lo em ni?" a ti ta chiam mai a.

Nakinah chuan a pa chu a ðho va, pindan chhungah a va lut a, a fapa pian atanga ni tin thil a chhinchhiahna lehkhabu tê, hlui tawh tak hi a rawn hum chhuak a. Lehkhabu tê chu a han keu va, khawimaw lai phek chu a fapa chu chhiar turin a ngen a. A fapa chuan a pa lehkhabu tê chu a la a, a han chhiar a, hetiang hian a pa chuan a lo ziak a:

'Vawiin hian kan sitting room-ah ka ðhu a, ka bulah chuan ka fapa kum 3 mi pawh hlim takin a ðhu ve a. Chutih lai chuan kan tukverhah choak a rawn fu a. Ka fapa chuan chu thil chu eng nge a nih tih min zawt a, kei chuan choak a ni tih ka lo hrillh a. Ka fapa chuan a zawohna pangngai hliir chu vawwi 23 min zawt a. Kei chuan choak a nih thu ka fapa chu vawwi 23 hrillhin ka fapa ka chhan apiangin ka fapa chu duat takin ka kuah ziah a, ka fapain zawohna ngai hliir vawwi 23 min zawh chu nin ahnêkin ka fapa rilru thianghlimzia ka hmuh chuan ka lawm em em a ni,' tiin.

Lehkhabu tê a pa thuziak a chhiar zawh chuan a fapa chu ngawi rengin a ding a, a pa chu a kuah a, a pa hnenah chuan ngaihdam a dil a. A pa chuan a fapa chu duat takin, kum 3 mi lek a nih laia tukverha choak fu, eng nge a nih a zawha vawwi 23 choak a nih thu a hrillh ðuma duat taka a kuah ang khan a lo kuah leh ta a.

Pathian hnenah, "Lalpa, nu leh pa min pek avangin lawmthu ka hrillh a che. Ka nu leh pate hi eng ang mi pawh ni se, ka nu leh pa an nih avangin ka theih ang tawok duatin in ka enkawol ang," tiin kan ðawngtai tur a ni dawn lawm ni?

■■■ RIMAWI

KHUANG VUAK DÂN (Solfa Hla)

— Lalromawia
Synod Music Instructor

I. SAWI HAWNNA :

Khuang vuak dân tiin thupui kan han dah mai na a Kohhran Pathian Biak Inkhâwm (worship) zai hruai nâna khuang hman kan zirhona a ni ber a; tân tûmah hi chuan Solfa hla sak hruai dân kan sawi dân a ni. Kan tih dân t̄ha tâwk lo lai siam t̄ha t̄ur leh hma sâwn zêlna tur kawng kan zawng dân a ni.

II. CHURCH MUSIC :

Thuthlung hlui hun lai Juda sakhua aţang tawh khân Music hi Pathian biak nân an hmang tawh a. Zai leh instrument chi hrang hrang hman a ni tawh a; mahse zai pâwl leh mihring zai rem nân aiin a inchhâwka tih a ni deuh ber.

Thuthlung thar Kohhran t̄iak t̄irah pawh zai chu Pathian biak nân hmang mahse hmanraw dang hi chu a langsâr lo hle. An fak hla pawh tân laia kan hla ang hi a ni lo va, chham titih sa titiha sak (chanting) a ni. A thu pawh rilrua lo thawk puah chhuah a ni lo va, Bible thu remchâng lai sak a ni mai a, *Sam* hi an hman t̄lânglâwn a ni.

Siamt̄hatna (Reformation) hnu lamah ringtuten an thinlunga thu awm te puah chhuakin, a thlûk pawh vântlâng nuam tih zâwnge siam chhuakin tân laia kan hla ang hi a lo indin chhuak ta a. Siamt̄hatna hmahruaitu Martin Luthera chu T̄hangthar Fakhla Pa (Father of the Modern Church Music) ah an ngai nghet hle a ni. Instrument chuan Kohhran fak hlaah hmun a khuar nghet hret hret zêl a. Mahse Church Music-ah chuan mihring aw (vocal) hi a bulpui leh a part pawimawh berah an dah reng a, hmanraw dang zawng zawng chu mihring aw chawih mawitu leh t̄anpuitu (accompaniment) ah an ngai.

III. A RIN ZAWNG :

Kan sawi tawh angin Church Music-ah chuan mihring aw hi a bulpui ber a ni a, hmanraw dang chu a chawih mawitu a nih avângin a awpui ber aia ring emaw, a mawina hlih khawpin emaw tum t̄ur a ni lo. Chu mihring aw chawih tâwk chuan khuang pawh vuak t̄ur a ni a. Inkhâwm kan tam dân leh kan zai rin dân ngaihtuah chungin, chumi chawih tâwka ring chuan vuak t̄ur a ni a; a ring lutuk a t̄ha lo ang bawkin a zawi lutuk pawh a t̄ha chuang lo. Zaiho zai rin zâwnge pawh chhût chuang lo, eng lai pawha vaw ring ringawt mai te, eng lai

pawha vaw zawi reng ringawt mai te nih loh tûr a ni. Zai chawih tâwkzêla vuak thiam tum tûr a ni.

IV. A RAN ZAWNG :

Zai ran zâwng hi a bi tuk lutuk theih pawh a ni âwm lo ve, rang deuhva zai duh kan awm a, muang hreta zai duh zâwk pawh kan awm baw. Music lam thlîrnaah chuan vântlâng zai hi chu kan kawng kal pângngai ke pên rem tâwka ranga zai tûrah ngaih a ni tlângpui a. Hei hi rang chuang lo, muang chuang lo, a laihâwl vêla ngaiin *Moderato* tiin an vuah. Hnam tin hi ka mâwl lai chuan kan ãwngte, kan kal leh kan che vêl a muang tlângpui a. Kan lo fing telh telh a, kan remhriain tihtûr kan ngah tawlh tawlh a, chu vâng chuan kan hmanhmawh tial tial a, kan ãwng rang tial tial a, kan kal chak tial tial baw. Hnam fing leh changkâng apiang an kal chak a, an zai rang tlângpui a, hnam mâwl leh changkâng lo apiang an kal muangin an zai muang baw. Engpawhnise kan zai ran zâwng hian kan Kohhran vântlâng dinhmun a tilang tih chu hria ila a ãa âwm e.

Hla zawng zawng rang taka sak vek tûr tihna a ni lo va, a thu hawi zâwng leh a music inrem dân a zirin sak ran chi leh sak muan âwm chi a ãhen theih ang. Fakna leh thu lâwmawm,

min tur hmanhmawh tak, a thu aţang rênga rang deuh a sak âwm chi a awm a; chutiang bawkin thu urhsûn leh lungchhiatthlâk deuh, muang deuha sak âwm chi te; thu tuang pangngai leh ringtu nun phung pangngai, moderato-a sak âwm chi pawh a awm baw. Hêngte hi hre chung a ran zâwng âwm tâwka sakpui hi khuangpu tihtûr a ni ang.

V. HUNBI VAWN :

Hla hruaitu khuang vuak chu a hunbi a dik tûr a ni. Khuang chu zai hruaitu a nih avângin zai hnung lamah khuang vuak loh tur a ni a, zai hmahruaiah, khuangpu hla sak thu lam ãntîrah vuak rîk tûr a ni. Khuangpu tam tak chuan an zai hnungah khuang an vua a, zai a muang tial tial ãhîn. Zai ãha tak chu a muang zâwngin a kal ngai lo va, a rang hret hret a ni zâwk mah. Zai aia ranga vua, um phâk hleih theih loh, han zai ran a, a rem tûra han um pawha vaw rang cho zêl an awm baw. Zai rema, hruai nuam tâwk chiaha vuak tûr a ni.

Tin, Khuang chu a ran zâwng bi inrual taka vuak tûr a ni. A ãhen laiah vuak ran a, a ãhen laiah vuak khât bik tûr a ni lo, chuti anga tih tûra music sign a awm a nih ngawt loh chuan. Tin, a rin zâwng pawh inang tlânga vuak tûr a ni. Mi ãhenkhat, chang

tâwp leh thunawn tâwpa vaw zawi ruai ruai a, chang thar emaw thunawn emaw kai dâwn a warning pe a vuak rin thut chingan awm thîn. Hei hi a mawi lo va, a zahawm lo va, Biak inah chuan tih hauh loh tûr a ni.

VI. CHÂNG TÂWP AṬANGA CHÂNG THAR KAI :

Châng tâwp aṭanga châng thar kai dâwn hian vântlângin hlauthâwng hauh lova kan kai rual theih hun a awm a, chu laiah chuan kaipui tûr a ni. Hei hi khuangpuin hriat tûra ni a, helai hunah hian kan kaipui loh chuan a hlutna nasa takin a bo then dâwn a ni. Châng thar kai hun Chiang taka mipuiin an hriat theih nân hla thenkhatah chuan khuangpuin a thlûk fâl viau a ngaih châng pawh a awm thîn.

VII. AW PÊK DÂN :

Khuangpu aw pêk dân a zirin zai a nuamin a nuam lo thei hle. Khuangpuin aw a pêk thiam loh phei chuan zai a sakin a hrehawm hle thei; a châng phei chuan a fîpin a fîp tlat a, zai ngaihna a vâng hial thei thîn. Khuangpu chuan aw chhuak pangngai, tluang tak, a ṭawng rîk dân pangngai, inhawng takin hla lâk mai tûr a ni; tihdanglam a ngai lo. Kan aw chhuak chu intiat vek lo mahse kan neih ang ang chu tluang leh mawi, zawm châkawm taka hla lâk a ṭha. Hruaitu aw ni awm

tak, neitu tak, hnûm ṭha tak, zawm châkawm taka chhuah tûr a ni; mikhual aw anga dawih deia hla lâk tûr a ni lo.

Khuangpu hla thu lam rîk dân hian mipui zai leh aw pêk dânah thu a nei thui hle. Chuvangin Khuangpu chuan fiah mawi tâwka lam rîk tûr a ni.

VIII. HRIATṬUL ṬHENKHATTE :

1. Hla chham mi (chanting) e.g. Engkim ti thei, Pa Pathian (No. 551) hi Solfa hawrap hraw lai hi chham tûr a ni a; chham laiah chuan eng instrument mah an tiri ngai lo. Chuvângin khuang pawh vuakloh tûr a ni. Zai rual theih nân a thu chham ṭanna a vuak hi chu a ṭha viau.
2. Zai boruak mil zêlin; kan hlim a, kan tui a, a lo ran chuan chumi chwih tûr leh boruak phur chhuak tûra vuak hi hêng hian a dâl lo tih hriat ni se.
3. Hla key lâk sual palh, duh aia sâng emaw duh aia hniam emaw a awm thei a. Hrehawm taka sak zêl ai chuan tâwp a, lâk ṭhat leh mai hi a ṭha zâwk.
6. Inkhâwm ṭan hmaa zai chu ṭan hun nêna a tâwp hun insu rem tûra siamrem tûr a ni. Hla tâwpah hun tlêm a la awm a, hla dang saka ṭan hun a pelh leh dâwn si chuan, hla sak lai châng khat emaw châng hnih emaw nawn mai tûr a ni♦

HRISELNA ■■■■

THISEN PEK HI A HLAUHAWM LOH

— Dr. Lily Chhakchhuak
Civil Hospital, Aizawl

Túnlaïin Blook Bank tih te, thisen pêk tihthe hi a lâar ta hle a, a lâar zual zêl dâwn ni pawhina lang.

Mi tlâwmngai tam takin thisen pêk ngaite pein, nunna tam tak chhanchhuaha an awm bâkah, mi tam takin zai (operation) an neih theih phah a. Hêng thisen pete zînga tam zâwk hi chu a hlauhawm lohzia hria leh a ÷ûl huna pêk hreh miah lote an ni. Hetih lai hian mi ÷henkhat chuan thisen p4k hi sakei hlauh takin kan hlau a. La pe ve hauh si lote rin thu leh dâwt thuthang awihin thisen pêkte chu kumkhaw chawr lohna, natna chi hrang hrang min veitûr theitu, kum 5-kum 10 kaltaa thisen pêk vânga tûn maia natna chi tin, kâwngna thlenga min veitûr theitu ang hrima ngai kan la awm ta cheu mai.

Thisen pêk hi a hlauhawm lo a ni. Thisen i pêk avângin eng natna mah i vei lovang. A hlauhawm lohzia lo chh 1t ta ila.

1) **Mihring hrisêl** pângngaiin thisen 4000-5000ml. kan neih aţanga 300 ml. emaw lek kan pêk hian eng tham mah a ni lo. Kan taksa pêng hrang hrang aţangin kan pêk ang zat chu dârkâr 24-28-ah a rawn insiam leh ngâl

zêl. Hliam tuarte pawh 10000 ml. aia tlêm thisen an hloh chuan thisen pêk an ngai lo.

2) **Kan thisen hi amahin** englai pawhin a ÷hen a chhia a, a ÷hen insiam renga nih avângin thisen kan pêk ang zât vêl chu thla 2, 3 chhûng hian a tharin a rawn thlâk leh zat zat zêl a ni.

Chumi awmzia chu ₹ 5000/- i neih zîngah ₹ 300/- kha tu emaw chhanhim nân i la hmanng tihna mai a ni. Chu pawh chu a thar ÷ha zâwkin thla hnih-khat hnuaha mahin a rawn inrel leh dâwn a ni.

3) **Blood Bank-a doctor** ten thisen pe thei tûrin kan hrisêl tâwk em tih chu an lo enfiah hmasa phawt ÷hin.

4) **Chuvângin**, mi hrisêl pângngai tân chuan thla 3 danah thisen hi a pêk theih zêl a. Ei tihthat pawh a ngai rêng rêng lo. Kum 18 aţanga 60 inkâr chuan an pe thei tih hriain ÷halaite chauh ni lovin nu leh pate tân pawh a hlauhawm chuang lo a ni.

A hlauhawm theih dân ber chu pumruak chung a pêkin luhai a awm thei a, phûngzâwl nei tân an phûngzâwl a chhuak thei bawk. Chubâk chu mi hrisêl pângngai tân chuan hlauh tûr a awm lo.

Chuvângin thisen pêk chu tumahin i hlau tawh lo ang u. Mizoramah ngei pawh thisen vawi 10 chuang pe pawh kan awm nual tawh a ni. Hmun dangah chuan vawi 140 lai pe tawha la chhonzawm mête pawh an awm nawk mai ♦



Hriatzauna

HMEICHHIAT MIPATNA CHUNGCHANGA KRISTIAN- TE THLIRNA

Inngaihzâwn, innejh leh nupui pasal neih chungchâng hi Pathian thu ațangin i ngaihtuah tlang teh ang u.

Inngaihzâwn hi hmânlai ațangin Mizo hnam tih phunga ni. Mâwi hnai takin; țhiante leh mûte mit tikham zâwngin an inngaizâwng ngai lova, an lo ințhen leh anih pawhin thinhrikna tûr awmlo khawpin chêt dânah an fîmkhur țhin a ni. Kan hnam dânah mipa leh hmeichhia zalên taka inkâwm țhin hnam kan ni a, mahse, hei vâng hian hmeichhiat mipatna kawngah kan inthlahdah phah chuang lo.

Tûnlaiin țhangtharte'n mipat hmeichhiatna, sex kan ngaizam ta hle. Hmeichhiat mipatna hi Pathian thilsiam, Pathianin țha a tihte zînga mi ngei kha a ni. Mihring suala a tlûk hnuah hian Pathian siam ang ni lovin, taksa châkna phuhrûkna leh nawmchenna atâna source anga ngaihna a lo piang chhuak ta a. Malsâwmna a nih theih laiin

țahna, lungngaihna hnar a ni thei. Tûnlai permissive society (open society) kan tihah pawh hian new morality an tih mai hian a kaihhruai a, sex hi mi induhtawn, inngaizâwng te, innejh emaw inneilo emaw hman tûr a ni an ti mai.

William Barclay-a chuan heti hian a sawi - *'Innejh hmain emaw, innejhna pâwnah emaw, hmeichhiat mipatna hman kan sawimâwui emaw kan țan emaw a nih chuan Lal Isua zirtîrna kalh tlat a nih avângin Kristian kan intih zui zêl a remna ka hre lo'*. Kristian Ethic chuan mihring leh mihring thil (thing) ang leka inhman țha a ti lo a; mihring leh mihring nawmchenna (pleasure) atân leh mahni châkzâwng tih hlawhtlinna atân inhman pawh țha a ti bawk hek lo. Chuvângin, hmeichhiat mipat nawmchenna atân ringawta inhman hi țha a ti lo a ni.

I Kor. 7:12-14-ah chuan heti hian kan hmu a, *'Thil engkim tih ka tân a thiang a, nimahsela thil engkim tih a țha kher lo;....min kaithe ve ang'* Heta chiang taka kan hmuh chu hmeichhiat mipat sualna hian taksa chungah natna chi hrang hrang a

thlen ðhin. Chhûngkaw tam tak a vaw darh a, drug leh zu ðangrual aïin mihring nunna a tichhe tam zâwk a ni. Drug abuse kan vei ang hian, sex abuse hi i vei ve ang u, a hlauhawm zâwk.

A dawt leha chuan hmeichhiat mipat sualna hian a inhmangte hi bawihah a siam ðhin a ni. A bawihah tân hi a nghet an ti. A chhan chu an taksa châkna tihlawhtlin famkimna an zawng a, an hmu si lo va. anmahni châkna bawihah an tânga, Kristian zalenna an umbo ðhin a ni.

Genesis 2:24-ah chuan "*tichuan tisa pumkhat an ni tawh ang*" tih kan hmu. Hmeichhiat mipatna hman hi tisa pumkhatna insiamna a ni. Mi pahnih kha tisa pumkhat an lo ni ta tihin a kawh chu thlarau lam pumkhatna a ni. Taksa chu mi pahnih an la ni zêla, mahse thlarau lamah Pathianin tisa pumkhat a chhiar ta a ni. Chuvângin Pathian thu chuan miin hmeichhiat mipatna an hman dun tawh chuan an innei ngei ngei tûr a ni, a ti. (I Kor. 7:1,2)

Inngaihza wna vawn thianghlim dân

Kan hriat angin hmangaihna hi Greek ho chuan an thliar hrang thliah thliah a, *Eros* - tisa itna aţanga lo chhuak a ni a, dawngtu nih reng a duh a, mahni hma a sial a ni. *Philia* - ðhian inkâra hmangaihna rilru inzawmna a kâwk a, mahse, amahah a la tâwp tho, *Agape* - Pathian hmangaihna thlarau nun khawih hmangaihna

a ni. Khing a chungah hmangaihna chi hrang hrangte khian mihringa pêng pathum - taksa, rilru leh thlarau level-a inzawmna an sawifah a ni. *Eros* chuan taksa ringawt a tinzâwn a, *Philia* chuan taksa leh rilru inzawmna a kâwk a, *Agape* erawh chuan mihring pum inzawm hmangaihna a kâwk bik a ni.

Hmeichhia leh mipa inkâra hmangaihna a awm tak tak chuan hêng thil pathum hi an awm kim vek tûr a ni a, mahse hetiang hi a indawt dân tûr a ni. *Agape-Philia-Eros*. Kristian dik chauhin *Agape* hmangaihna hi neih theih a ni. *Agape* hmangaihnaa inthlang fuhte chuan *Philia* hmangaihna an neih leh neih loh in enfiah sela, chutah *Eros* hmangaihnaah an kal chauh tûr a ni. Hetiang hmanga inngaizâwngte chu hmeichhiat mipat sualna lakah an invawng thianghlim ang.

Kristian nula leh tlangvâl tân chuan ngaihza wng kan neih dawn apianga kan inenfiahna tûr chu *Eros* level nge *Philia* level tih mai a ni. Khawvêl hian *eros* leh *philia* level aţang hian hmangaihna a chher ve hle a ni. He mi level-a ngaihza wng neih hi kristian tân chuan a dik lo a ni. Kristian tân chuan thlarau *Agape* hmangaihna in a inţan ngei tûr a ni. Chutiang *Agape* hmangaihna nei tûr chuan tumah mihringte hi fîng tâwk kan awm lova, thlarau thianghlim chauhin kawng min kawh hmuh thei a ni♦



KANTU

Lungpho Br. &
W. Phaileng Chhimveng Br.

LUNGPHO BRANCH

Aizawl ațanga Kâwlcuh lama kala kilometer 167 a hla, Serchhip district khawchhak lama awm, Lungpho Branch hi kum 1956 October ni 2 a din a ni a. An Branch Golden Jubilee pawh 2006 khân ropui takin an lâwm tawh a, Pastor thuthmun an ni.

Kumin hian KṚP member 220 an awm a, Group thumaah an inthen a, Sub-Committee pakhat Programme Committee neini an Br. chêt vêlna a pêng pawimawh zet a ni a. Thawhtan zân hun hman dân tûr- Sermon, Kumpuan Thupui zir, Sharing, Silent night, Group night mimal chanchin zir leh thalaite intihhlina tûr Sports duan lâwk zawng zawng hi he committee kut vek hi a ni.

Kum 1996 ațang khân branch chanchinbu kartin chhuak THALAI ENTU chu tûn thlengin an la chhuah chhunzawm reng baw. Kristian Thalai chanchinbu hi copy 42 an la a, copy 1 hi member 5.23 in inchiar țawm thin ang an ni.

Thawhtan zân KṚP inkhâwm chawhrual hi 25% a ni a, Missionary pakhat an chawm mêk a, an member zingah missionary a chhuak paruk an awm tawh a ni. An hruaitu lo ni tawhte zingah Kohhran Upa pariat leh Pro. Pastor pakhat an awm tawh a, Serampore a BD final year zir mêk KṚP member pakhat an nei baw.

CKṚP Rising Day (Feb.22) hi vântlâng tâna thiltha tihna hun

atân an hman thin a ni.

KṚP in a hrangin bungrua an nei ngai lova, Kohhran changtlun nân hêng - Keyboard, Sound System leh bungraw dang dangte hi phûr takin an tuak mai thin a, kumin pawh hian Dot Matrix printer an lei a ni.

Faith Promise hi an sum hnar lian ber a ni a, lo vah, hlo thlawh leh lei laihte hi an inhlawhna ber niin kuminah hian Sawhthing hmun sian an tum mêk baw. Bial pawn branch te nêna rawngbawlhô hi hun rei tak ațanga an lo tih thin a ni a, branch 13 lai tlawhin an feh chhuak tawh a, branch 12 laiin an tlawh tawh baw.

A chângin KṚP Zaipawl leh Kohhran Zaipawl an siam thin a. Biak In hawnga innei an awmin inkhâwmho pualin thingpui an lum sak thin a, lawmpuina thuziak an pe baw thin. Nikum khân Biak In hawnga innei mi panga an awm a, hmun danga innei an awm lo thung, an entawn tlak hle.

Kohhran chhûngkuaah mitthi an awmin Pathianni lo thleng hmasa ber zingkarah khawhar chhûngte an lêngkhâwpui thin. Chaw ngheia țawngtai mi, member thahnemngai tak tak an nei hi an vannehna tak a ni baw. CKṚP thuchhuak an ngai-pawimawh hle thin a, kum 2010 Krismas pawh khan Open Air Concert hlimawm takin an buatsaih a, live-in TV a pek chhuah a ni nghe nghe a ni ♦

W. PHAILENG CHHIMVÈNG BRANCH

Rum 1988 January ni 4 a W. Phaileng Branch ațanga indang W. Phaileng Chhimvèng Branch ka kan a. Tùnah hian KTP member hi mipa 112 leh hmeichhia 52, an vaiin member 164 an awm mek a. Kum 2013-a Silver Jubilee lâwm tûrin kawng hrang hrangin an inbuatsaih mêk a ni. An indan tirh ațangin Branch Rising Day hi kum tin a puala ran vulhin ruai nèn ropui takin an lâwm òhin a ni.

Kumin hian Group pathum - Matthaia, Marka leh Luka Group-ah te an inthen a, sub-committee pahnih - Evangelism leh Music te neiin kawng hrang hrang branch hmalâknaah atan an chhawr tangkai hle a ni.

Kum 1996 ațangin thu leh hla hmanga rawngbawlna atân thlatin chhuak chanchinbu 'KTP Inlêng' an chhuah òan a. An chanchinbu hi thla khata chawlhni hmasaberah Kohhran In tina sem tûrin an buatsaih òhin a ni. Kristian Òhalai chanchinbu hi copy 52 la mekin copy 1 hi member 3.15 in inchiartâwm ang an ni a, member ațanga chhûtin Kristian Òhalai la òa pâwl tak an ni.

Evangelical Cell bultumin Central KTP kumpuan bawhzui nân Kohhran inkhâwm bân apiangin member hlate pualin òawngòaihona an nei òhin a. An member-te ațangin Prayer Ministry indinin mi engemawzâtin chatlak lovin kum khat chuang chawlhni tlai tin chawnghei òawngòaina an nei òhin a, an chuanawm hle. An member mi thahnemngaiten member hlate pualin òawngòai Rammut te an nei òhin bawk. Hei bâkah hian kumpuan bawhzui nân Sport leh Drama competition hlawhtling tak

an nei bawk a ni.

Music Sub-Committee hmalâknain Kohhran Zai pâwl òa tak an nei a, Kohhran hun pawimawhah an zai thei renga ni.

Thawhtan zân Inkhâwm hi sermon te, kumpuan thupui leh paper zirhona te, sharing te, Kristian Hlabu a hla thiamloh leh sak dikloh zirna atân te leh Group Nite tein hman òhin a ni. Tin, thlakhata thawhtan zân hmasaberah member hlate pual leh thla thar programme hlanna òawngòai rual nei òhin a ni bawk. Inkhâwm zât hi chawhrual in inkhâwm apiangin mi 43 zêl inkhâwm ziah òhin ang an ni a. Fellowship hi rokhawlhna dang a awm loh chuan Pathianni tlai apiangin nei ògei ògei òhin a ni bawk. Fellowship hi zaihona te, hla zirte, hla thlan hun te, Bible chhiar te, òawngòai rual leh programme dangtea hman òhin a ni.

Branch din tirh ațanga wawiin ni thlengin Pathianni tûk apiangin Damdawi Inah òawngòaina nei òhin a ni a. Kumin hian project atân Ramthar Field (an member puite thawh mêkna) tlawh nise an ti a, Silver Jubilee an lawmna tûr pualin Bank-ah sum a tam thei ang ber dah an tum bawk. An Branch ațang hian Missionary 5 an chhuak tawh a, rawngbawlna dangah an member mi engemaw zât an chhuak mêk bawk.

KTP thawhlawm Ip lâkkhâwm te, Group Budget te, Inkhâwm thawhlawm te, thing trip lâk te, book binding te leh inhlawhna remchâng awm ang an sum an tuak òhin a. Nikuma an sum thawhchhuah zat chu ₹. 10,000/- vèl a ni a, kuminah hian khûm ògei an tum a ni ♦

Keimahni



■ February ni 20, 2011 (Pathianni) zân khân Central KṚP hruaitute leh Synod Choir te chuan Rorel Inkhawm thlengtu Bethlehem Kohhran an tlawh a, CKṚP Leader Rev. K. Lalpiangthara'n thuchah sawiin Synod Choir-in hla 2 an sa. Inkhawm bânah thingpui ina inkawm ho a ni a, hetah hian Rorel Inkhawm an thlena a ṭul apianga hman turin Rs 12,000/- chu CKṚP Treasurer Pu Lalmuanawma'n a hlan a ni.

■ February ni 26, 2011 (Inrinni) khan CD4 Counting Machine, HIV/AIDS veite enkawlnaa khawl hman tûr Presbyterian Church of Wales (PCW)-in Presbyterian Hospital tâna an leisak hlanna inkhâwm Grace Home, Durtlanga neihah Central KṚP aiawhin Pu Lalthanmawia, C/M a tel.

■ March ni 5, 2011 (Inrinni) khân Lunglêng I Bial KṚP Leadership Training N. Lungleng Kohhran-ah neih a ni a, he hun hmanpui hian Pu Vanlaltinga, Finance Secretary leh Tv. Zohmangaiha, C/M CKṚP te an kal. Training-ah hian mi 45 an tel a ni.

■ March ni 3-6, 2011 chhûnga Mizoram Presbyterian Kohhran Hmeichhe Inkhâwmpui Lian Vawi 44-na leh Golden Jubilee lawmna, Kâwnpuia neihah Central KṚP aiawhin Rev. K. Lalpiangthara, Leader leh Pu Lalrohluia, C/M te an kal a.

Ni 6.3.2011 (Pathianni) chawhnu Lalpa Zanriah Sacrament Inkhawmah Synod Choir-te ṭumkhat zaiin hla pahnih (2) an sa a. Zanah Nisapui Kohhran tlawh haw nghalin ṭum hnih zaiin hla pali (4) an sa a ni. Nisapui Kohhranah hian Upa Lalrinmuana, General Secretary-in Pathian thuchah a sawi a ni.

■ March ni 11-13, 2011 chhûng khân Bethlehem Kohhran Biak In-ah KṚP Rorel Inkhâwm wawi 4-na tuang taka neih a ni. Palai riak lût 377 an awm a, Aizawl khaw pâwn, thlengtu Kohhran huam chhunga riak lut lo 278 an awm bawk. Rorel Inkhâwma palai kal zât hi mi 748 kan ni. Rorel Inkhâwmah hian vântlâng Pathian Biak Inkhâwmah pawh mipui an ṭhahnem ṭhin hle a, Biak In leh a vêl zawng zawngah an khat vek ṭhin a. Bethlehem Kohhran hian an Biak In tual zawng zawng chu pandal mâwi takin an zar chhuak vek bawka, an thleng hneh hle a ni.